

## ԿԻՐԱՌԱԿԱՆ ԲԱՐՈՅԱԳԻՏՈՒԹԻՒՆ **Applied Ethics**

### Ի՞նչ է **կիրառական բարոյագիտությունը**:

Կիրառական բարոյագիտությունը (անգլ.՝ Applied Ethics, գերմ.՝ Angewandte Ethik), որպես ընդհանուր ու վերին հասկացություն կը բովանդակէ տարբեր բնագաւառներու՝ գործնական ու կիրառելի բարոյագիտությունը: Կիրառական բարոյագիտութեան հիմքը ընդհանուր բարոյագիտութիւնն է, որմէ կը ստանայ իր բարոյագիտութեան հիմնական հասկացութիւնները, հիմնաւորումն ու զանազան տեսութիւնները: Ասոնց վրայ կու գան աւելնալ, տուեալ բնագաւառի յատուկ մասնագիտական գիտելիքները:

20-րդ դարու երկրորդ կէսէն սկսեալ, տարբեր բնագաւառներու յատուկ կիրառական բարոյագիտությունը աւելի տարածուեցաւ, որովհետեւ արդիական ընկերութիւնները բարոյագիտութենէն, զանազան հարցերու մասին՝ բարոյական գործնական ու կիրառելի դիրքորոշումներ կը պահանջէին: Եթէ սկզբնական շրջանին, բժշկական ու կենսաբանական բնագաւառներու բարոյագիտությունը հետաքրքրութեան կիզակէդրոն կը հանդիսանար, շուտով սակայն, ասոնց վրայ կու գային աւելնալ բազմաթիւ այլ բնագաւառներու յատուկ բարոյագիտությունը, ինչպէս՝ տնտեսական, բնապահպանական, ծինաբանական, ընտանեկան, քաղաքական ու գիտական զանազան ճիւղերու վերաբերեալ կիրառական բարոյագիտությունը:

Բնագաւառներու արագօրէն բազմացման եւ հարցերու զանազանութեան հետ, ժամանակի ընթացքին, մեծապէս փոփոխութեան ենթարկուեցան նաեւ կիրառական բարոյագիտութեան *կարելիութիւնն* ու *դիմագիծը*, հետեւեալ ձեւով.-